

上清金真玉光八景飛經

既四

金真玉光太上隱書 上相青童君撰
 九天丈人受太空靈都金真玉光於元始天
 王名之八景飛經廣生太真名之八素上經
 青真小童名之豁落七元太上大道君名曰
 隱書玉訣金華同出於九玄之先目其七篇
 而四時名焉其道高妙象經之專總統萬真
 巨御羣仙女侍流映洞明紫晨秘於九天之
 上大有之宮金輝紫殿玉寶瓊房鑄金為簡以
 謨靈文刻玉丹書以明其篇流光奕奕輝煥
 大空日月俠照五晨翼靈命金華之女玉晨
 之童各三千人侍衛玉文玉妃典香靈風揚
 煙巨龍毒獸備守玉闕瓊鳳撫翼神鸞陰玄
 衆真宴禮萬聖朝軒玉陛騁蓋於霄庭太帝
 屈節於几前玉皇改度以推運璇璣命斗以
 迴神唱神州以濟景變七轉以儻天歷三五
 於神化散執度於九玄榮五行以招魂御密
 落以威靈命八景以登空攝天魔於金真披
 隱書於寂室詠妙章於无間理萬帝於上上
 總羣下於生生是時建炁之始九天丈人生

命靈都撰契玉仙五老上真三十九帝上皇
 先生萬始道君高聖太神太上大道君扶桑
 大帝賜谷神王南極上元紫素三元君西龜
 王母太素三元君上登上上上紫瓊宮玉寶臺
 七曜朱房施撒五帝四方司官靈都神兵輔
 衛上元命上仙太和玉女施金真招靈攝魔
 之符置於五方太極四真人誦太空之章妙
 唱朝徹八景齊真玉光煥會豁落洞明三晨
 停暉八風迴旌玄鼓雲蓋九炁映靈三五真
 讚六六合并藉藹玄玄之上煥赫鬱乎太冥
 飛香繞日流電激精華光交灑神燭合明流
 緬千劫得妙忘旋於是九天丈人即臨玄臺
 之上命左仙侍郎李羽非監靈使者鄧元生
 執九色之魔瓊文帝章告盟四明格付衆真
 太上大道君八景飛經金真玉光豁落七元
 位登至上洞遊玉清金仙輔翼五帝衛靈啓
 命事悉雲輪騰蓋飛虬整駕龍超霄際修頃
 之間億仙立會瓊輪碧瑩流精箭藹吹雲
 歌鳳鳴鸞鳴交煙不集徘徊玄太蕭蕭非太
 霞之上放浪於无涯之外各返玉虛之館豁若

靈風之運炁太上大道君還登陵層之臺九
 曲之房引後聖九玄金闕帝君上相青童對
 齋三月依盟啓受於二君使各封一通於金
 闕上官方諧青宮至大劫之周三道虧盈二
 炁離合理物有期承唐之世陽九放災翦除
 兇勃搜採上賢至此之年若有修行大洞之
 真經精雖一之幽關施八道以招无研金
 華於三元誦素靈於寂室榮五行以招魂佩
 金神之虎文移七星於天闕掌玄名於帝圖
 建青錄於上清胞玉秀以結絡含瓊胎以內
 靈絕世好以長息獨守默於自然可得玄授
 於八景告妙設於金真施招靈於曲宇置豁
 落以御神拔七祖於幽宮免五苦於刀山離
 八難於火鄉滅負石於宿根有得此文超騰
 九玄縱跡飛影洞觀三清自無其人累劫勿
 傳金真玉光八景飛經乃生九天之上元景
 之先玄光流映若无若存懸精暗謁調曜瓊
 宮積七千餘劫其文甚明仰著空玄之上太
 虛之中覽亦不測毀亦不止煥赫洞耀徹照
 十天於是九天丈人以建始元年歲在東維

天甲吉辰清齋太空七寶瓊臺以金青明血天請受靈篇招靈攝魔豁落七元玄章既剛亦无師宗不知從何忽然而生案文施行八景見形光燭瓊室招致萬真於時啓命帝皇羣僊莫不詣庭施俯仰之禮朝宴玉經也此乃

九天之帝信玉皇之感章左輔執節仙都右置侍仙玉郎五方靈官十億萬人衆衛寶文管輔佩者之身依太極四明萬劫一傳秘於九天之上大有之宮金暉紫殿玉寶瓊房施飛羅自然之帳玉几金牀玉晨之童執香侍左金華之女散煙於右太妃侍前玉仙輔後。玄雲紫蓋摩手堂宇諸真仙上聖一月三登行禮如是寶訣法告三五改運大劫交周七百年中當行世間若有玄名帝簡玉字紫清金藏玉骨合真之人聽得盟傳輕泄帝寶七祖父母及飛之身被考三官充刀山地獄三徒之中萬劫不原奉者詳慎元始天王啓之於空玄之上以傳九天丈人太真太上大道君青真小童五老上真三十九帝上皇先生萬始道君南極上元紫素三元君西龜王母

太素三元君太真夫人上皇先生以傳紫清帝君萬始道君以傳黃石先生三天玉童太上大道君以傳東海小童紫微夫人後聖主九玄金闕帝君帝君以付上相青童君太極四真人西城王君如是寶訣皆上真口口相傳

上相帝君科校譔集施行祝說法度先後相次集為寶卷今封一通於王屋山石室之中若有勤尚高志棄放世榮登陟靈山精修苦念名掌青官當得此文帝君當遣真人玄校飛身飛得此文五帝衛房招靈攝魔制精御神修道誦經上應九天无復試敗之凶按法施用真人下降與兆共言不過七年乘空而行九年精感白日登晨上上之道不傳非真凡有得金真玉光八景飛經者身皆玄挺應會宿命當仙每以別室燒香朝夕禮拜心存神真至光紫炁滿於齋室之中躬禮崇奉如眼對神帝遣金華之女玉晨之童各三十四人侍衛其身賞功罰過分別善惡也又有左右水火二官糾察漏泄違科犯禁罰以風刀之考懲連七祖生死之科明慎修行

凡修學上道人山登齋誦詠靈章而无此文施安招靈攝魔之符豁落七元上法不得妄動於玉篇真不為降天魔犯身故此文為九天之信玉皇之章无信而行因致道真未得輕以短見誦誅求仙積勞无感及收禍殃三官執考滅兆之身兆欲修道當備衆聖令部數充足上下相成俯仰之格施行合度齋誦萬遍得真人降房剋日成仙不必萬遍正在精研有佩招靈攝魔豁落七元之符皆太一定生司命改年主錄校籍注上太玄善告四

司五帝靈官五嶽九河神仙萬靈皆稽首奉迎營衛兆身此上帝真皇章信故得制神使靈也凡行此道不得至冒淹入穢復生死之汚犯此之禁真靈高逝及正上官施名不制反誤兆身子得其法慎此為先立春之日三素元君上詣天皇大帝遊宴之時元景行道受仙之日也飛修金真玉光八景飛經之法當以其日沐浴齋戒清朝入室燒香行禮施安招靈致真攝魔之符置於五方兆於中央東北向叩齒十二通仰思紫綠白三色之雲

東北而迴便心合微言三素元君乞迴神駕
 下降我身右別我名賜我神仙畢還思東北
 清微上府始陽宮中元景司空司錄道君姓
 葛諱元太元歟形長七寸八分身著玄黃
 之綾頭冠七色耀天王冠足躡五色之履手
 執威神之策乘八景之輿飛龍玄雲之車驂
 駕青龍從太和仙童二十三人下治兆身泥
 九宮中乃微祝曰
 元景大神玄道迴精上節告始萬系混生九
 微上化迴降我形保固元吉監總帝靈招真
 制魔我道威明上致太和玉芝充盈通神徹
 視洞觀三清得乘飛景俱昇帝庭畢仰咽八
 炁此元景之道行之八年則三素之雲八輿
 飛輪迎兆之身上昇帝晨所謂八道元景招
 靈秘言不傳非仙之人春分之日太微天帝
 君上詣高上玉皇遊宴之時始景行道受仙
 之日也至其日如上法夜半東向叩齒九通
 仰思玄青黃三色之雲東北而迴便心念微
 言太微天帝君乞迴神駕下降我身上我帝
 簡賜我神仙畢還思東方青陽上府玄微宮

中始景老子大道君姓羽諱元幽形
 長九寸身著紫青之綾頭戴九色通天寶冠
 足躡九色之履手執命神之章從太陽仙童
 三十六人乘八景之輿青雲之車驂駕蒼龍
 下治兆身明堂宮中仍微祝曰
 始景上元招靈致真承承命節法典帝先迴
 精玄蓋上宴玉晨迴靈下降鎮園我身保精
 鍊炁五華結鮮紫炁流映洞得御神驂乘飛
 景上宴瓊軒畢仰咽九炁此始景之道行之
 八年則玄雲飛輪來迎兆身上昇太清八道
 始景秘言勿傳非仙之人
 立夏之日太極上真三元真人上詣紫微宮
 遊宴之時玄景行道受仙之日也至其日如
 上法清旦東南向叩齒九通仰思青紫黃三
 色之雲西北迴便心念微言太極上真三元
 真人乞迴神駕下降我房書我玉名使我神
 仙畢還思東南少陽上府太微宮中玄景工
 光元極道君姓王諱元无元形長八寸
 八分身著丹錦之綾頭戴元極進賢玉冠足
 躡九色之履手執招靈之章乘玄景綠與五

色雲車驂駕鳳凰從靈飛仙童三十九人下
 治兆身洞房宮中仍微祝曰
 玄景上靈驂宴八炁造景九玄翱翔無外迴
 真下降解我宿滯廢以飛雲覆以紫蓋得乘
 八景上昇霄際畢仰咽八炁止此玄景之道
 行之八年則紫青黃三色之雲玄景綠與來
 迎兆身上昇太清玄景八道秘言勿傳非仙
 之人
 夏至之日扶桑公大帝君上詣太微宮遊宴
 之時也虛景行道受仙之日至其日如上法
 清旦南向叩齒八通仰思赤白青三色之雲
 東南而迴便心念微言扶桑大帝君乞迴神
 先下盼兆身記名東華得乘飛煙畢還南向
 思太陽上府紫微宮中虛景太尉元先道君
 姓玄諱元伯史形長八寸八分身著絳
 錦丹綾頭戴平天曜精玉冠足躡九色之履
 手執制魔之章乘光明八道之輿赤雲之車
 驂駕鳳凰從丹臺上官玉童三十六人下治
 兆身中元丹田宮中仍微祝曰
 虛景啟靈乘炁旋迴還駕八道光吐威下

卷一百一

降我房曉我丹輝攝魔御神萬靈悉推使我
洞幽與景齊飛舉仰咽八炁止此虛景之道
行之八年則致光明八道之與來迎兆身上
昇太清虛景八道秘言勿傳非仙之人也
立秋之日太素上真白帝君上詣玉天玄皇

高真也元景行道受仙之日至其日如上法
清且西南向叩齒十二通仰思白赤紫三色
之雲正西而迴便心念微言太素真人乞迴
神光下降兆身奏名玉天得為真人畢思西
南少陰上府靈微陽宮之中元景太一淡天
道君姓黃諱雨運珠形長七寸八分著
玄黃素綬頭帶七寶進賢之冠足躡九色之
履手執命神之策乘條條玉輦五彩朱蓋紫
雲之車駱駕六龍從黃素上宮仙童二十四
人治兆身下丹曰宮中仍微祝曰

元景上真八道玄靈上治黃母下治兆形排
徊神輦統映紫清歷運御氣三炁煥明制神
攝魔我道洞精長係上景飛仙長生畢仰咽
七炁止此元景之道行之八年則致條條玉
輦上迎兆身上昇太清元景八道秘言勿傳

非仙之人

秋分之日南極上真赤帝君上詣閭風臺詣
九靈夫人遊宴之時也明景行道受仙之日
至其日如上法清且西向叩齒十二通仰思
青黃赤三色之雲西南而迴便心念微言南

極上真上皇赤帝君乞迴神光下時兆房賜
書玉簡上奏九靈得乘飛景昇入无形畢思
正西太陰上府精微兌宮中明景太和道君
姓浩諱二儀形長六寸八分身著白
文素靈之綬頭戴无極寶天之冠足躡九色
之履手執度命保生玉章乘絳琳碧輦白雲
之車駱駕白虎從素靈上宮玉童二十二人
下治兆身華蓋宮中仍微祝曰
明景道宗總統九天弘絡紫霄迅御八煙迴
停玉輦下降我身啟以光明授以金真露落

招靈身无稽延得乘飛景上晏霄晨畢仰咽
七炁止此明景之道行之八年則致絳琳碧
輦來迎兆身上昇太清明景八道秘言勿傳
非仙之人
立冬之日上清真人帝君皇祖上詣高上九

天玉帝遊宴之時也洞景行道受仙之日也
至其日如上法清且西北向叩齒九通仰思
綠青紫三色之雲西南迴便心念微言上清
真人帝君皇祖乞迴神駕下降兆房賜書玉
簡上奏上清得乘飛景昇入无形畢思西北


陰暉上府清微中宮洞景司錄太陽道君姓
玄諱元輔形長五寸八分身著玄黃
之綬頭戴九玄飛晨玉冠足躡五色之履手
執攝殺之律乘玄景八光丹輦紫雲之車駱
駕玄武從太玄仙童二十四人下治兆身倉
命宮中仍微祝曰
洞景帝尊玄靈陰神乘霞御龍駱駕飛煙上
遊至清下治太玄迴降紫輦來入我身得乘
八景位同真人畢仰咽五炁止此洞景之道
行之八年則致玄景八光丹輦下迎兆身上

昇太清洞景八道秘言勿傳非仙之人
冬至之日太霄玉妃太虛上真人上詣太皇
宮太微天帝君遊宴之時清景行道受仙之
日也至其日如上法清且正北向叩齒十二
通仰思朱碧黃三色之雲東北而迴便心念


微言太霄玉妃太虛真人乞迴神駕下降我
 房賜書玉名奏上太霄得為真人遊宴上宮
 畢思北方陰精上府道微宮中諫議玄和道
 君姓玉諱聖願陰精形長五寸八分身著
 玄雲五色之綬頭戴玄晨寶冠足躡五色獅
 子之履手執招靈之策乘徘徊玉輦錦雲之
 系珠玉之車駟駕玄鳳黑翻從太玄上官仙
 童三十六人下治兆身玄谷宮中仍微祝曰
 清景素真元始同靈受化九元含炁朱嬰徘
 徊玉輦道遙紫清輪轉八節緯度天經削我
 死錄保命南生得乘飛景按轡解軒畢仰咽
 五炁止此清景之道行之八年致徘徊玉輦
 下迎兆身上昇太清清景八道秘言勿傳非
 仙之人
 行八景飛經八道秘訣上皇玉帝告命諸天
 十方眾聖五嶽靈仙悉來護兆身降致玄輿
 飛輦得與真人同昇上清真皇守兆之命太
 一防兆之身出入遊行无有凶橫之患若无
 仙名玉籍列圖紫宮幽冥亦不可以此經啓
 悟兆心兆得此經即東華注簿位同真人唯

寶唯必不可輕宣安泄秘言死滅兆門
 夫修金真玉光八景飛經案置招靈致真攝
 魔之符皆當先北向香爐叩左齒三十六通
 訣金真太空之章一遍然後行事也詠此一
 句上響九天中微无間外朗洞元玉帝駭聽
 羣魔束身此章至妙故為金真其篇曰
 天魔乘空發萬精駭神庭託化誦歌章隨變
 入无名器氣何紛紛穢道當塗生雲中合朱
 宮北帝踊神兵鼓翔自知道玄運來相征上
 景按飛鸞飛駕檢雲營促校北帝錄收攝羣
 魔名豁落張天羅放威擲流鈴金真輔空洞
 玉光煥八冥金玄守上官神虎戮天精前滅
 萬劫氣德僊悉齊平上承九天信嘯命存不
 傾招真究三洞慧誦朗且清八道望玄霄以七
 轉緯天經混合帝一真按度七祖程削滅五
 苦根反魂更受榮金光耀寂室神燭自然生
 華香散玉宇煙氣徹玉京帝遣徘徊輦三元
 降綠軒迅駕騰九玄朝禮玉皇庭畢便修所
 行如此一遍天兵輔真玉帝攝魔修行上徹
 招致真靈學无此章仙道不成天魔所敗反

誤兆身故撰為篇審而奉行招靈致真攝魔
 之符一名九
天信



青帝招靈致真攝魔之符以墨書青木簡上
 令廣九寸長一尺二寸置室東面修行誦經
 入室百日與神人共言三年室生自然青霞
 之雲欲致真人天仙當書如法者符北面精
 思百日真人降形詣仙請房授子神真之道
 兆欲攝魔書符如法安著中央誦太空之章
 一遍則北帝操兵天魔喪形萬精滅景內外
 肅清又墨書青緒九寸佩身八年帝降八景
 之輪下迎兆身白日上昇九天之秘信兆當
 寶密修行其道道无不降仙无不成泄露宣
 傳妄與非真道則遠也禍滅兆身



赤帝招靈致真攝魔之符以青書赤木簡上

令廣九寸長一尺二寸置室南面修行誦經入室百日與神人共言三年室生自然赤霞之雲欲致真人天仙當書如法著符東面精思百日真人降形仙人詣房授子神真之道此欲攝魔書符如上法安著西方誦太空之章一遍則北帝操兵天魔喪形萬精滅景內外肅清又青書絳九寸佩身八年帝降八景之與下迎兆身上昇太清九天秘信此當寶密修行其道道无不降仙无不成泄語三人傳付非真道則遠也禍滅兆身。



白帝招靈致真攝魔之符以黃書白木簡上令廣九寸長一尺二寸置室西南修行誦經入室百日與神人共言三年室生自然白霞之雲欲致真人天仙當書如上法著符中央精思百日真人降形仙人詣房授子神真之道此欲攝魔當書符如法安著東面誦太空之道章一遍則北帝操兵天魔喪形萬精滅

景內外肅清又黃書白縉九寸佩身八年帝降玄景綠與下迎兆身上昇太清九天秘信此當寶密修行其道道无不降仙无不成泄語三人傳付非真道則遠也禍滅兆身。



黑帝招靈致真攝魔之符以白書黑木簡上令廣九寸長一尺二寸置室北面修行誦經入室百日與神人共言三年室生自然黑霞之雲欲致真人天仙當書如上法著符西方精思百日真人降形仙人詣房授子神真之道此欲攝魔書符如法安著南面誦太空之章一遍則北帝操兵天魔喪形萬精滅景內外肅清又白書黑縉九寸佩身八年帝遣光明八道之與下迎兆身上昇太清九天秘信此當寶密修行其道道无不降仙无不成泄語三人傳付非真道則遠也禍滅兆身。




黃帝招靈致真攝魔之符以朱書黃木簡上令廣九寸長一尺二寸置室中央修行誦經入室百日與神人共言三年室生自然黃霞之雲欲致真人天仙當書如上法著符南面精思百日真人降形仙人詣房授子神真之道此欲攝魔當書如法以著北面誦太空之章一遍則北帝操兵天魔喪形萬精滅景內外肅清又朱書黃縉九寸佩身八年帝遣徘徊之章下迎兆身上昇太清宮九天秘信此當寶密修行其道道无不降仙无不成泄語三人傳付非真道則遠也禍滅兆身書符都舉北向叩齒三十六遍微祝曰
九天有命普告萬靈三代相推五炁交并玉帝顯駕控轡霄庭施布正法收魔束精剪滅凶妖為道齊平道流後學帝君記名招真洞幽炁交无形靈景鍊骨道昇三清得迅飛與

上造玉庭畢隨位置符真仙立降身无禍殃
學无此道解不喪身可謂妙法不學自仙也
帝君豁落七元上符一名帝皇威章



右一元豁落日精之符兆欲修行誦經求仙
當以雌黃書生碧上佩身兆欲上致真人朱
書白紙東向服之精思百日真人降房與兆
共言兆欲制魔當以青書黃木九寸板上著
月建上天魔自消萬精束形帝皇之章慎勿
洩揚秘而奉修七年飛仙



右二元豁落月精之符兆欲修行誦經求仙
當以空青書絳繒佩身兆欲通靈致神黃書
白紙西向服之精思百日神人降形與兆共

言兆欲制魔攝精當以黑書赤木九寸板上
施著東北之上百日北帝捕魔天元攝精萬
杖絕滅內外蕩清帝皇之章秘而修行七年
飛仙白日昇天



右三元豁落歲星精符兆欲行道求仙當以
朱書生碧佩身兆欲致東嶽真人仙官當以
黑書青紙東向服之精思百日仙官立到真
人詣房賜兆神仙之藥也兆欲制青帝之魔
當以白書青木九寸板上著東面百日天魔
束形萬精自喪帝皇之章秘而修行七年飛
仙白日昇天



右四元豁落太白星精符兆欲行道求仙當

以雌黃書白素佩身兆欲致西嶽真人仙官
當以黃書白紙西向服之精思百日仙官立
到真人詣房賜兆真書與兆共言兆欲制白
帝之魔當以朱書白木九寸板上向西面百
日天魔束形萬精自喪帝皇之章行之七年
神仙度世白日昇天



右五元豁落熒惑星精符兆欲行道求仙當
以雌黃書生紫佩身兆欲致南嶽真人仙官
當以青書赤紙南向服之精思百日仙官立
到真人詣房賜兆神芝寶文與兆共言兆欲
制赤帝之魔當以黑書赤木九寸板上向南
面百日天魔束形萬精自喪帝皇之章行之
七年神仙度世白日昇天



右六元豁落辰星精符兆欲行道求仙當以黑書黃素佩身兆欲致北嶽真人仙官當以白書黑紙向北服之精思百日仙官立致真人詣房賜兆神仙之藥與兆共言兆欲制黑帝之魔當以黃書黑木九寸板上向北面百日天魔束形萬精自喪帝皇之章行之七年神仙飛行白日昇天



右七元豁落鎮星精符兆欲行道求仙當以朱書青碧佩身兆欲致中嶽真人仙官當以朱書黃紙向太歲上服之精思百日仙官立到真人詣房授兆神仙之藥五老真書兆欲制黃帝之魔當以青書黃木九寸板上置於太歲之上百日天魔束形萬精自喪帝皇之章行之七年神仙飛行白日昇天
右高上玉帝元皇道君受九天丈人豁落七

元之符主致上真飛仙之官通靈徹視與神交言制魔伏靈威攝十方流火萬里坐在立亡行之九年得乘玄輿飛行上清
施行上道修行求仙攝魔御精書符如法此向叩左齒三十六通存日月五星精光洞映兆身微祝曰

七元煥落流底吐精擲光萬里神耀五靈上攝北鄴檢錄鬼名天帝命章翦戮實生殺備豁落流金火鈴內保六府外引流精飛仙真人與我齋并洞觀空洞三道合明得御玄雲駿駕綠輶攜率五嶽運我昇清早隨位施用七年尅有真人來降授兆上真寶文也夫有金骨玉名紫字上清得佩招靈致真攝魔之符豁落七元之符則九天記名帝告萬真四司靈官右別兆身出入行來登陟五嶽仙官衛迎萬魔伏首羣凶喪精修行百日與神通靈真人下降授兆真經也七年之中得乘飛輿遊戲五嶽出入三清泄語三人傳不得真七祖父母下及兆身並充刀山三徒之中萬劫不原得者保秘慎負四明

凡上學之士道成飛昇而无此文亦九天玉司不遺兆仙天關之門亦不可得前五嶽之官亦不衛兆之身故九天之信帝皇之章施於已成真人不行於世得者便仙其有左輔執節仙都右置侍仙玉郎五方靈官典衛此文不可輕慢泄露上真有犯其禁死滅兆身上古之科萬劫一傳今有其人七百年中聽得三傳依明科之法師弟子對齋九十日齋金龍玉魚各一枚紫紋百尺上金三兩以奉有經之師誓於九天之信无盟而傳身被風刀之考受而无信輕道賤真身沒鬼官愆連七玄故四極明科有三分之信師受不依科文以營他用死沒三官長充地獄萬不得仙趙伯玄昔師萬始先生受書道成當登金闕而无招靈致真豁落七元二符於俯仰之格方退還戎山七百年後詣清真小童依盟受之誓於委羽之山今昇為上清左司君王君以經於陽洛山十一月上旬子時盟九天以傳南嶽夫人今封於陽洛山中
南嶽松子以陽朔之年於太華山傳經於谷

希子今封一通於鳥鼠山中
相稱真人以六月二十九日以此文授許遠
遊

○ 上清金真玉光八景飛經

上清玉帝七聖玄紀迴天九霄經 既五
玉帝七聖玄紀迴天九霄上經乃
上聖帝君以九玄建炁之始空靈分判二儀
既彰九元合韻九帝命靈齋景霄館於是上
聖攜契玉虛紫寶迴駢升霄瓊輪上登九層
七昧宋宮徘徊明霞之上蕭條九空之中天
元冥滯三景合光流精曜虛八會四通交真
齋契彌誅太無玄始映朗天景敷陳河海靜
波八風颺輪流煙射於龍軒浮景揚於九玄
金仙秉鉞曰司杖愔五帝靈官十億萬人飛
麟羽騎備衛天真西華玉女金晨靈童曜雲
姿於瓊側含仙容於蘭房散靈香以却穢揚
華精於拂塵遊龍交馳於紫館毒獸奮爪於
玉闌金翅撫翮於瓊林靈鶴飛吟於雲端西
妃擊節天文羅錦龍吟虎嘯鸞舞鳳鳴四真
合唱八音齊聲雲璈激朗傾駭三清飛歌玄
奏廣樂虛廷流芬翳霞靈風散真華光交煥
三燭合明是時高聖太上帝道君佩九色雜
羅之袂衣飛森霜珠之袍中須臾百變之冠
帶晨光日鈴育延之劍豁落交帶玉璽鳳章

流金耀虛七精徵无乘碧霞九靈八景流雲
之與從飛仙羽蓋森林千真紫虛之童三十
萬人顯蓋九霞迴天傾光天下前駭六師屬
鋒奔電揚精四明扶靈啓路五老通津飛旌
瓊途流眇高清上詣九層七昧宋宮道君列
座九帝齊歡三真合韻七聖同欣天音朗暢
高聖歡焉玄心充於帝簡飛翰舒手慶煙壘
豐神靈德虛体玄曜龍文於滄淵煥彩雲於
九天耀高貌於蘭玉發金精於瓊泉列七紀
於上錄明刻書於隱篇括致沈毫運轉滯輪
珠結五象攜集上真帝高上之垂化以敷教
于羣方也於是七聖撰上玄之章集為靈文
命龜母按筆太一拂筵天妃侍香玉華執巾
丹書紫字刻於白銀隱起靈韻結於玉篇題
以青錄得道之名以付五老上真仙都左公
藏於紫藥玉笈封以啟命之章玉童玉女各
三百人散花侍靈七聖各掌一通西龜定錄
東華校名請以五嶽群仙後學之人有奏簡
三元奉錄青宮一年七揀列名上清者皆刻
注於玄圖得為太平之上真此乃天誠玄暢

0344 4 41 2 2